

VENDIM
Nr. 319, datë 27.4.2016

PËR PËRCAKTIMIN E PROCEDURËS E
TË METODËS SË TESTIMIT TË
VARIETETEVE¹

Në mbështetje të nenit 100 të Kushtetutës dhe të pikës 6, të nenit 33, të ligjit nr. 10416, datë 7.4.2011, “Për materialin mbjellës dhe shumëzues bimor”, me propozimin e ministrit të Bujqësisë, Zhvillimit Rural dhe Administrimit të Ujërave, Këshilli i Ministrave

VENDOSI:

I. TË PËRGJITHSHME

1. Qëllimi i këtij vendimi është të përcaktojë kriteret, procedurat dhe metodat e testimit të varieteteve për dallueshmëri, uniformitet dhe stabilitet (DUS) dhe vlerën e kultivimit dhe përdorimit (VKP) me qëllim regjistrimin e tyre në Katalogun Kombëtar (KK).

2. Të gjithë termat e përcaktuar në ligjin nr. 10416, datë 7.4.2011, “Për materialin mbjellës dhe shumëzues bimor”, kanë të njëjtin kuptim edhe në këtë vendim.

II. KRITERET QË DUHET TË
PLOTËSOJË NJË VARIETET QË
TESTOHET PËR DALLUESHMËRI,
UNIFORMITET DHE STABILITET DHE PËR
VLERËN E KULTIVIMIT DHE
PËRDORIMIT

1. Një varietet konsiderohet i dallueshëm nëse, pavarësisht nga origjina e tij nga e cila ka rezultuar, është qartësisht i dallueshëm për një ose më shumë karakteristika të rëndësishme në raport me një varietet tjetër të regjistruar si i tillë.

2. Një varietet konsiderohet i qëndrueshëm nëse pas shumëzimesh të njëpasnjëshme ose në fund të çdo cikli ai mbetet i njëjtë me përshkrimin e karakteristikave thelbësore të tij.

3. Një varietet konsiderohet uniform nëse përveç devijimeve shumë të vogla, bimët e tij shfaqin tipare dalluese gjenetike si të ngjashme ose

identike me karakteristikat e përshkruara të këtij varieteti.

4. Vlera e kultivimit dhe përdorimit të varietetit konsiderohet e kënaqshme nëse krahasuar me varietetin dëshmuar të regjistruar në Katalogun Kombëtar, cilësitë e tij ofrojnë të paktën përmirësim të qartë dhe të dukshëm të kultivimit apo prodhimit ose të produkteve që rrjedhin prej tyre.

5. Provat për testimin e varieteteve për VKP-në kryhen sipas këtyre afateve:

a) Për varietetin e krijuar në vend, për 1 (një) vit;

b) Për varietetin e krijuar në shtetet anëtare të BE-së apo në shtetet që kanë nënshkruar konventën e UPOV-it, për 1 (një) vit;

c) Për varietetet e prodhuara në vendet që nuk janë anëtare të BE-së apo që nuk kanë nënshkruar konventën e UPOV-it, për 2 (dy) vite radhazi.

6. Provat për testimin e varieteteve për DUS-in, për të gjitha varietetet e bimëve bujqësore që testohen, kryhen për jo më pak se 2 (dy) vite radhazi.

7. Treguesit për vlerën e kultivimit dhe përdorimit të një varieteti që testohet për t’u regjistruar në Katalogun Kombëtar janë përcaktuar në shtojcën 1, të këtij vendimi.

8. Lejohen të vendosen në treg, pa kryer procedurat për testim:

a) farat e bimëve të familjes graminore që nuk kanë destinacion prodhimin foragjer;

b) varietetet e bimëve bujqësore, që janë miratuar në një nga vendet anëtare të BE-së ose në një nga shtetet nënshkruese të UPOV-it, me kushtin që furnizuesi të paraqesë pranë ESHFF-së skedën me të dhënat e varietetit të miratuar në vendin përkatës;

c) linjat (linjat *inbreed*, hibridet) të cilat janë të destinuara vetëm si komponentë për prodhimin e hibrideve.

III. KUSHTET QË DUHET TË PLOTË-
SOJË SUBJEKTI PËR TESTIMIN E NJË
VARIETETI PËR T’U REGJISTRUAR NË
KATALOGUN KOMBËTAR

1. Subjekti, që kërkon të testojë një varietet për regjistrimin në Katalogun Kombëtar, duhet të paraqesë pranë ESHFF-së:

a) kërkesën me shkrim;

b) skedën me karakteristikat e varietetit;

c) fotografi të bimës apo të frytit të saj, për kategoritë e bimëve bujqësore si drithërat, bimët

¹ Ky vendim është përafruar pjesërisht me direktivën 2002/53/EC të Këshillit, datë 13 qershor 2002, “Për katalogun e përbashkët të varieteteve të specieve të bimëve bujqësore”; nr. CELEX 32002L0053-EN. Fletorja Zyrtare e Bashkimit Evropian, seria L, nr. 193, datë 20.7.2002, faqe 1–11 dhe direktiva nr. CELEX 32003L0090; nr. natyral 2003/90/CE, datë 6.10.2003, shtojca 3, faqe 10.

industriale, perimet, foragjeret, patatja, bimët medicinale dhe aromatike, bimët vajore e fibroze, pemët frutore, hardhitë dhe drurët dekorativë pyjorë;

ç) të dhëna për sasinë e farës për mbjellje të çdo varietetit;

d) të dhëna për origjinën e varietetit;

dh) faturën e pagesës sipas tarifave të përcaktuara në udhëzimin e përbashkët të ministrit të Bujqësisë, Zhvillimit Rural dhe Administrimit të Ujërave dhe ministrit të Financave.

2. Forma dhe përmbajtja e kërkesës për aplikim për testimin e varietetit është e përcaktuar në shtojcën 2, të këtij vendimi.

3. Për rastet kur testimi kryhet nga subjektet private, kushtet që duhet të plotësojë subjekti dhe dokumentacioni që duhet të paraqesë për testimin e një varieteti për regjistrimin e tij në Katalogun Kombëtar përcaktohen sipas procedurave që aplikohen për prokurimin publik.

4. Sasia e farës për mbjellje për çdo varietet që testohet për t'u regjistruar në Katalogun Kombëtar është përcaktuar në shtojcën 3, të këtij vendimi.

IV. PROCEDURA DHE METODA PËR TESTIMIN E NJË VARIETETI

1. Procedurat e testimit për regjistrimin e varietetit në Katalogun Kombëtar realizohen nga ESHFF-ja ose nga subjektet publike apo private, sipas përcaktimit në kreun IX, të ligjit nr. 10416, datë 7.4.2011, "Për materialin mbjellës dhe shumëzues bimor".

2. ESHFF-ja, bazuar në metodikat e hartuara dhe të miratuara nga Komisioni i Vlerësimit të Varieteteve për Regjistrimin në Katalogun Kombëtar (KVVRKK), kryen provat e testimit sipas kësaj procedure:

a) Përgatit mostrat e materialit mbjellës e shumëzues bimor për t'i dërguar për mbjellje në pikat e miratuara me urdhër të ministrit për testimin e varieteteve;

b) Vendos kodin e veçantë për çdo mostër dhe bën regjistrimin e tyre në regjistrin përkatës;

c) Nënshkruan kontratë shërbimi me subjektet private fituese në konkurrimin publik, për kryerjen e provave të testimit në përputhje me kërkesat e pikës 2, të nenit 52, të ligjit nr. 10416, datë 7.4.2011, "Për materialin mbjellës dhe shumëzues bimor";

ç) Nënshkruan marrëveshje me subjektet publike për kryerjen e procedurave të testimit që nuk u nënshtrohen procedurave të prokurimit

publik. Forma dhe përmbajtja e marrëveshjes për kryerjen e procedurave të testimit nga subjektet publike është përcaktuar në shtojcën 4, të këtij vendimi;

d) Në bashkëpunim me subjektin publik apo privat të autorizuar, përgatit skemën e nevojshme për testim, piketimin e ngastrës dhe ndjek procedurën e mbjelljes sipas skemës përkatëse;

dh) Pajis subjektin publik apo privat të autorizuar me metodikën tip, të miratuar nga KVVRKK-ja sipas varieteteve;

e) Në përfundim të periudhës së testimit subjekti publik apo privat, i autorizuar, dorëzon të plotësuar dokumentacionin përkatës në ESHFF;

ë) Pas përfundimit të çdo testimi vjetor, ESHFF-ja duhet të plotësojë një raport të ndërmjetëm të testimit për dallueshmëri, uniformitet dhe stabilitet. Ky raport duhet të përmbajë rezultatet paraprake të testimit për DUS-in dhe problematikën e konstatuar gjatë testimit. Forma dhe përmbajtja e formularit për raportin e ndërmjetëm është përcaktuar në shtojcën 5, të këtij vendimi.

f) Pas përfundimit të testimit ESHFF-ja plotëson raportin e testimit për dallueshmëri, uniformitet dhe stabilitet, ku përcaktohet nëse varieteti i ri është i dallueshëm, uniform dhe i qëndrueshëm. Forma dhe përmbajtja e formularit për raportin përfundimtar është përcaktuar në shtojcën 6, të këtij vendimi;

g) KVVRKK-ja analizon rezultatet e testimit dhe merr vendim për të regjistruar në Katalogun Kombëtar varietetin, vetëm nëse është i dallueshëm, i qëndrueshëm dhe uniform, si dhe të ketë vlerë të kënaqshme për kultivim dhe përdorim;

gj) Vlerësimi i dosjes për testimin e një varieteti nga ESHFF-ja, për rastet kur kryhet nga subjektet shtetërore apo edhe për rastet kur testimi kryhet nga subjektet private, sipas përcaktimit të këtij vendimi, duhet të përfundojë brenda 45 ditëve;

h) Kur ESHFF-ja ose subjekti publik apo privat, i autorizuar, nuk e përfundon këtë procedurë brenda afatit të përcaktuar në shkronjën "gj", i interesuari dorëzon ankesën pranë ESHFF-së brenda 10 ditëve nga data e marrjes dijeni dhe ESHFF-ja detyrohet t'i kthejë përgjigje subjektit brenda 15 ditëve nga data e paraqitjes së ankimit;

i) Nëse ESHFF-ja nuk i përgjigjet subjektit brenda afateve të përcaktuara më lart, atëherë i interesuari dorëzon ankesën pranë ministrit, i cili

duhet t'i kthejë përgjigje subjektit ankues brenda 15 ditëve nga data e paraqitjes së ankesës.

V. PËRPUNIMI I TË DHËNAVE, PËRGA-TITJA E DOSJES PËR KOMISIONIN E VLERËSIMIT TË VARIETETEVE

1. Sektori përgjegjës për testimin në ESHFF, si në rastet kur testimi kryhet nga vetë ESHFF-ja edhe në rastin kur testimi kryhet nga subjekti publik apo privat, sipas përcaktimit të këtij vendimi, përpilon një dosje me të dhëna për çdo varietet të specieve të bimëve bujqësore që testohen, e cila përmban një përshkrim të qartë të punës për zbatimin e të gjitha kërkesave të metodikës përkatëse.

2. Së bashku me dosjen e të dhënave, duhet të depozitohet dhe kampioni i nevojshëm i farës së varietetit që testohet, për kryerjen e analizave biometrike në laboratorin e referencës.

3. Laboratori i referencës, bazuar në metodikën tip, kryen analizat biometrike sipas zonave të testimit dhe pajis kampionin me fletanalizën përkatëse.

4. Bazuar në të dhënat e zonave të testimit dhe analizave laboratorike, sektori përgjegjës për testimin përgatit raportin përfundimtar për KVVRKK-në.

5. ESHFF-ja i propozon KVVRKK-së që të gjitha varietetet, që do të regjistrohen në Katalogun Kombëtar, të qëndrojnë të regjistruara për jo më pak se 10 vjet, ndërsa fidanët e pemëve frutore dhe ato të hardhisë të qëndrojnë të regjistruara deri në futjen e tyre në prodhim.

VI. DISPOZITAT E FUNDIT

1. Kreu IV, “Procedura dhe metodat e testimit të varieteteve që regjistrohen në Katalogun Kombëtar”, i vendimit nr. 309, datë 21.5.2014, të Këshillit të Ministrave, “Për kriteret e tregtimit, certifikimit dhe testimit të farës së panxharit”, kreu IV, “Procedura dhe metodat e testimit të varieteteve që regjistrohen në Katalogun Kombëtar”, i vendimit nr. 86, datë 30.1.2013, të Këshillit të Ministrave, “Për përcaktimin e kriterëve të tregtimit, certifikimit dhe testimit të varieteteve për farat e drithërave”, kreu IV, “Procedura dhe metodat e testimit të varieteteve që regjistrohen në Katalogun Kombëtar”, i vendimit nr. 87, datë 30.1.2013, të Këshillit të Ministrave, “Për përcaktimin e kriterëve të tregtimit, certifikimit dhe testimit të farave foragjere”, dhe kreu IV, “Procedura dhe metodat e testimit të varieteteve që regjistrohen në Katalogun Kombëtar”, i vendimit nr. 574, datë 24.6.2015, të Këshillit të Ministrave, “Për kriteret e tregtimit, certifikimit dhe testimit të farës së patates”, shfuqizohen.

2. Ngarkohen ministri i Bujqësisë, Zhvillimit Rural dhe Administrimit të Ujërave dhe Enti Shtetëror i Farave dhe Fidanëve për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama

SHTOJCË 1

TREGUESIT QË DUHET TË PLOTËSOJË VARIETETI PËR VLERËN E KULTIVIMIT DHE PËRDORIMIT (VKP)

Treguesit janë si më poshtë:

- a) Rendimenti;
- b) Qëndrueshmëria ndaj sëmundjeve e dëmtuesve;
- c) Përshtatshmëria në lidhje me faktorët në mjedisin;
- ç) Treguesit e cilësisë.

Karakteristikat e mësipërme të një varieteti do të konsiderohen pas daljes së rezultateve përfundimtare të testimit.

SHTOJCA 2

KËRKESË

Për testimin dhe regjistrimin e materialit mbjellës dhe shumëzues bimor në KK, parashikuar në pikën 6, të nenit 33 të ligjit nr. 10416, datë 07.04.2011 “Për materialin mbjellës dhe shumëzues bimor”.

A. Të dhëna për aplikuesit:

1. Emri e mbiemri: _____
2. Adresa: _____
3. Emërtimi i subjektit dhe adresa: _____
4. Vendndodhja e aktivitetit _____

B. Varietetet që kërkohen të testohen:

1. _____
2. _____
3. _____

C. Varietetet që kërkohen të regjistrohen:

1. _____
2. _____
3. _____

Kërkuesi

(Emër e mbiemri i furnizuesit ose përfaqësuesi i tij, nënshkrimi)

C. Miratimi për procedurën teknike dhe krverjen e veprimeve financiare për likuidim.

(Të dhëna mbi materialin mbjellës dhe shumëzues bimor që kërkohet të prodhohet):

Nr	Shërbim që do të kryhet	Kultura	Varieteti	Sasia (numri)	Tarifa lek/USD	Vlera në lek/USD
1						
2						
3						
4						

Kjo kërkesë mbahet në katër kopje, (origjinali në zyrën e financës) një kopje i bashkëngjitet praktikës së punës, një kopje i jepet aplikuesit dhe një në bllok.

Përgjegjësi sektorit të testimit

Financa

Tiranë, me.....

SHTOJCA 3

SASITË E MATERIALIT MBJELLËS SIPAS SPECIEVE

	Emri Latinisht	Emri Shqip	Sasia e farës për testim (Kg)
I	Drithërat		
1	Avena saliva L.	Tërshëra e zakonshme	5
2	Hordeum vulgare L.	Elbi	5
3	Panicum miliaceum L.	Meli	4
4	Secale cereale L.	Thekra	5
5	Sorghum bicolor (L.) Moench	Melakuqja	2
6	Sorghum sudanense Stapf.XTriticum secale Wittm.	Sorgumi sudanez	2
7	xTriticum secale Wittm	Tritikalet	5
8	Triticum aestivum L. Emend. Fiori et Paol.	Grurë i butë	5
9	Triticum durum Desf.	Grurë i fortë	5
10	Triticum spelta L.	Tepa	5
11	Zea mays L. (partim)	Misri	5
12	Oryza sativa L.	Orizi	4
II	Bimët foragjere,		
II-A	Barërat		
1	Agrostis sp L.	Barimëza bisht qeni	0.1
2	Alopecurus pratensis L.	Bisht dhelpra e livadhit	0.1
3	Arrhenatherum elatius (L.)	Arrenatera e lartë (tërshërë)	0.1
4	Bromus catharticus Vahl	Bromusi	0.1
5	Bromus sitchensis Trin.	Bromusi i Alaskës	0.1
6	Cynodon dactylon (L.) Pers.	Grami	0.1
7	Dactylis glomerata L.	Telishi	0.1
8	Festuca arundinacea Schreber	Festuka si kallam	0.1
9	Festuca ovina L.	Festuka e deleve	0.1
10	Festuca pratensis Hudson	Festuka e livadhit	0.1
11	Festuca rubra L.	Festuka e kuqe	0.1
12	Lolium multijlorum Lam.	Loliumi	0.1

		shumëlulësh	
13	<i>Lolium perenne</i> L.	Loliumi shumëvjeçar	0.1
14	<i>Phleum pratense</i> L.	Fleumi livadhor	0.1
15	<i>Poa annua</i> L.	Flokësi njëvjeçar	0.1
16	<i>Poa nemoralis</i> L.	Flokësi e pyjeve	0.1
17	<i>Poa palustris</i> L.	Flokësi i ligatinave	0.1
18	<i>Poa pratensis</i> L.	Flokësi livadhor	0.1
19	<i>Poa trivialis</i> L.	Flokësi i zakonshëm	0.1
20	<i>Trisetum flavescens</i> (L.) P. Beauv	Triseta e zbehtë	0.1
II -B	Leguminozet		
1	<i>Lotus corniculatus</i> L.	Tërfili me brirë	0.3
2	<i>Lupinus albus</i> L.	Lupini i bardhë	1
3	<i>Lupinus angustifolius</i> L.	Lupini gjethengushtë	1
4	<i>Lupinus luteus</i> L.	Lupini i verdhë	1
5	<i>Medicago lupulina</i> L.	Jonxha lupin	0.3
6	<i>Medicago sativa</i> L.	Jonxha	0.3
7	<i>Medicago x varia</i> T. Martyn	Jonxha e ranishteve (hibride)	0.3
8	<i>Pisum sativum</i> L. (partim)	Bizelja	2
9	<i>Trifolium alexandrinum</i> L.	Tërfili aleksandrin	0.3
10	<i>Trifolium hybridum</i> L.	Tërfili hibrid	0.3
11	<i>Trifolium incarnatum</i> L.	Tërfili i kuqërremtë	0.3
12	<i>Trifolium pratense</i> L.	Tërfili livadhor	0.3
13	<i>Trifolium repens</i> L.	Tërfili zvarritës	0.3
14	<i>Trifolium resupinatum</i> L.	Tërfili persian	0.3
15	<i>Vicia faba</i> L. (partim)	Batha	2
16	<i>Vicia pannonica</i> Crantz	Grashina panoneze	2
17	<i>Vicia sativa</i> L.	Koçkulla	2
18	<i>Vicia villosa</i> Roth	Grashina	2
II -C	Bimë të tjera foragjere		
1	<i>Brassica napus</i> L var. <i>napobrassica</i> (L) Rehb.	Sinapi	0.2

2	Brassica oleracea L.	Lakra e zakonshme	0.2
3	Phacelia tanacetifolia Benth.	Këmbanorja blu	0.2
4	Raphanus sativus L. var. oleiformis Pers.	Rrepa foragjere	0.2
III	Bimë industriale:		
1	Beta vulgaris L. ssp. vulgaris var. alba DC.	Panxhari	0.2
IV	Duhani		
1	Nicotiana tabacum L.	Duhani	0.2
V	Pambuku		
1	Gossipium hirsutum L.	Pambuku	0.2
VI	Bimët vajore dhe fibroze		
1	Brassica napus L. (partim)	Sinapi	0.2
2	Brassica nigra (L.) Koch	Lakra e zezë	0.2
3	Brassica rapa L. var. silvestris (Lam.) Briggs	Kolëza	0.2
4	Cannabis sativa L.	Kërpi	0.2
5	Glycine max (L.) Merrill	Soja	2
6	Helianthus annuus L.	Luledielli	2
7	Linum usitatissimum L.	Liri	0.5
8	Arachis hypogeal	Kikiriku	3
VI I	Patatja		
1	Solanum tuberosum L.	Patatja	150
VI II	Perimet		
1	Allium cepa L.	Qepa	0.3
2	Allium porrum L.	Preshi	0.3
3	Allium sativum L.	Hudhra	0.3
4	Anthriscus cerefolium (L.) Hoffm.	Fier moskat	0.05
5	Apium graveolens L.	Selinon	0.02
6	Asparagus officinalis L.	Asparagusi	0.1
7	Beta vulgaris L. var. Vulgaris	Panxhari i zakonshëm	0.1
8	Beta vulgaris L. var. conditiva Alef.	Panxhari i kuq	0.3
9	Brassica oleracea L. convar. acephala (DC) Alef. var. sabellica L.	Lakra kokë (jeshile)	0.3
10	Brassica oleracea L. convar. botrytis (L) Alef. var. botrytis	L.Lulelakra	0.3
11	Brassica oleracea L. convar. botrytis (L.) Alef. var. Cymosa	Brokoli i hollë	0.1
12	Brassica oleracea L. convar. botrytis	Brokoli kokë	0.1

	(L.) Alef. var.italica Plenck		
13	Brassica oleracea L. convar. oleracea var. gemmifera DC	Lakra e Brukselit	0.2
14	Brassica oleracea L. convar capitata (L.) Alef. var. subauda L.	Lakra e Savojës	0.2
15	Brassica oleracea L. convar. capitata (L.) Alef. var alba DC	Lakra kokëbardhë	0.2
16	Brassica oleracea L. convar. capitata (L.) Alef. var rubra DC	Lakra kokëkuqe	0.2
17	Brassica oleracea L. convar. acephala (DC) Alef. var. gongylodes	Kohlrabi	0.2
18	Brassica pekinensis (Lour.) Rupr.	Lakra kineze	0.3
19	Brassica rapa L. var. Rapa	Rilka	0.2
20	Capsicum annuum L.	Speci	0.2
21	Cichorium endivia L.	Endivia	0.01
22	Cichorium intybus L. (partim)	Çikoria	0.01
23	Citrullus lanatus (Thunb.) Matsum. et Nakai	Shalqini	0.3
24	Cucumis melo L.	Pjepri	0.3
25	Cucumis sativus L.	Trangulli	0.01
26	Cucurbita maxima L.	Kungulli i ëmbël	0.3
27	Cucurbita pepo L.	Kungulli i zakonshëm	0.3
28	Cucurbita pepo L. var. styriaca Greb	Kungulli i madh i verdhë	0.3
29	Cynara cardunculus L.	Angjinarija	0.15
30	Daucus carota L.	Karota	0.1
31	Foeniculum vulgare Miller.	Finoku	0.02
32	Hybiscus esculentus	Bamja	0.5
33	Lactuca sativa L.	Sallata	0.01
34	Lycopersicon lycopersicum (L.) Karsten ex Farë.	Domatja	0.01
35	Petroselinum crispum (Miller) Nyman ex A.ë.Hill	Majdanozi	0.01
36	Phaseolus coccineus L.	Barbunja	3
37	Phaseolus vulgaris L.	Fasulja	3
38	Pisum sativum L. fnartim) (partim)	Bizelja	2
39	Raphanus sativus L.	Rrepa	0.2
40	Solarium melongena L.	Patëllxhani	0.05
41	Spinacia oleracea L.	Spinaqi	0.1
42	Valerianella locusta (L) Laterr.	Valeriana	0.02
43	Vicia faba L. (partim)	Batha	4
44	Zea mays L. (partim)	Misri i ëmbël	5

IX	Hardhia		Nr.Fidanëve
1	Vitis spp.	Hardhia	20
X	Sumullbari (Humulusi)		
1	Humulus lupulus L.	Sumbullbari (Humulusi)	20
XI	Bimët drufrutore		Nr.Fidanëve
1	Castanea sativa Mill.	Gështenja	10
2	Citrus sinensis (L.) Pers.	Portokalli	10
3	Citrus limon (L.) Burm. f.	Limoni	10
4	Citrus reticulata Blanco	Mandarina	10
5	Citrus paradisi Macf.	Greipfrut	10
6	Citrus aurantifolia (Christm.)Sëing	Nerënxa	10
7	Citrus Medica	Qitro	10
8	Cydonia spp.	Ftoi	10
9	Cornus mas L.	Thana	10
10	Corylus avellana L.	Lajthia	10
11	Diospyros Kaki L.	Hurma (kakia)	10
12	Fragaria x ananassa Duch.	Luleshtrydhja	10
13	Ficus carica	Fiku	10
14	Zizyphus zizyphus	Hidja (xinxifja)	10
15	Juglans regia L.	Arra	10
16	Actinidia sp.	Kivi (Aktinidia)	10
17	Malus Mill.	Molla	10
18	Morus sp.	Mani	10
19	Mespilus germanica	Mushmolla dimërore	10
20	Eriobotrya japonica	Nespola	10
21	Olea europaea L.	Ulliri	10
22	Poncirus trifoliata	Trifoljata	10
23	Pistacia vera L.	Pistaku	10
24	Prunus amygdalus Batsch	Bajamja	10
25	Prunus armeniaca L.	Kajsia	10
26	Prunus avium L.	Qershia	10
27	Prunus cerasus	Vishnja	10
28	Prunus domestica L.	Kumbulla gjatore	10
29	Prunus persica (L.) Batsch	Pjeshka	10
30	Prunus Salicina Lindl	Kumbulla japoneze	10
31	Pyrus communis L.	Dardha	10
32	Punica granatum	Shega	10
33	Ribes spp.Ribes	Ribes	10
34	Rubus spp.	Mjedra	10
35	Vaccinium L.	Boronica	10
XI I	Bimët medicinale		Nr.Fidanëve
1	Salvia Officinalis	Sherebela	200
2	Thymus Vulgaris	Timus	200
3	Lavandula officinalis	Lavanda	200
4	Origanum Vulgaris	Rigoni	200

SHTOJCA 4

MARRËVESHJE

PËR KRYERJEN E PROVAVE TË TESTIMIT TË VARIETETEVE

E lidhur sot më datë _____, ndërmjet Entit Shtetëror të Farave dhe Fidanëve (ESHFF) të përfaqësuar nga z. _____ drejtor i ESHFF-së dhe Qendrës së Transferimit të Teknologjive Bujqësore _____, përfaqësuar nga z. _____ drejtor i QTTB-së _____ për kryerjen e provave të testimit të varietetit, të mbjella në vjeshtë/pranverë, për vitin _____ si më poshtë:

- a) Prova e testimit të varieteteve _____, vlera lekë _____.
b) Prova e testimit të hibrideve _____, vlera lekë _____.

Marrëveshja është mbështetur në ligjin nr.10416, datë 4.7.2011, "Për materialin mbjellës shumëzues bimor", dhe në aktet nënligjore në zbatim të tij.

Kjo marrëveshje fillon më datë _____, përfundon më datë _____, afat që korrespondon me kohëzgjatjen e provës dhe ka vlerën e kontratës.

QTTB-ja _____ merr përsipër të kryejë provën e testimit varietor, sipas vlerës së miratuar me udhëzimin e përbashkët të ministrit të Bujqësisë Zhvillimit Rural dhe Administrimit të Ujërave dhe ministrit të Financave, për tarifat për testimin e varietetit për regjistrimin në Katalogun Kombëtar (pika 7 e nenit 33, të ligjit nr.10416, datë 7.4.2011)

Palët bien dakord si më poshtë:

A. QTTB-ja _____ ka për detyrë:

1. Të sigurojë sipërfaqen e tokës në sasinë dhe cilësinë e duhur.
2. Të sigurojë në kohë, sasi dhe cilësi bazën materiale që kërkohet për provën.
3. Të kryejë në afat shërbimet sipas metodikës dhe të ruajë provën nga dëmtimet.
4. Të kryejë në afat të gjitha matjet e provës.
5. Të plotësojë metodikën tip të varietetit të dërguar nga ESHFF-ja.
6. Të dorëzojë brenda afatit në ESHFF, metodikën e plotësuar.

B. Enti Shtetëror i Farave dhe Fidanëve ka për detyrë:

1. Të sigurojë në kohë, sasi dhe cilësi farat e varieteteve që vihen në provë.
2. Të pajisë me metodikën e provës dhe skemën e vendosjes së saj.
3. Të ndjekë zbatimin dhe ecurinë e provave.
4. Të monitorojë hallkat kryesore të provës së testimit nga Sektori i Testimit.
5. Të shlyejë detyrimin financiar sipas situacionit të shpenzimeve për vlerësimin varietor.
6. Të miratojë ndryshim, shtesë/pakësim në preventiv për detyrimin financiar që ka me QTTB-në, bazuar në procesverbalin përkatës të hartuar për këtë qëllim.
7. Në përfundim të provës së testimit, ESHFF-ja merr mostrat për analizë, kurse prodhimin e provës e merr QTTB-ja _____.

Moszbatimi i detyrimeve për palët që nënshkruajnë këtë marrëveshje e bën të pavlefshme provën e testimit dhe ajo duhet të përsëritet. Shpenzimet e nevojshme për kryerjen e ritestimit, përballohen nga pala që nuk zbaton kërkesat e përcaktuara në këtë marrëveshje. Marrëveshja përpilohet në katër kopje origjinale, nga dy kopje për secilën palë dhe ka fuqi zbatuese nga punonjësit e tyre.

DREJTORI I QTTB
(_____)

DREJTORI I ESHFF
(_____)

SHTOJCA 5

ENTI SHTETËROR I FARAVE DHE FIDANËVE.

Raporti i ndërmjetëm për testimin për Dallueshmëri, Uniformitet dhe Stabilitet (DUS) të një varieteti përmban:

1. Numri referues i dorëzimit të raportit zyrtar;
2. Personi porositës i testimit;
3. Numri referues i personit porositës të testimit;
4. Caktimin/emërtimin e seleksionerit të varietetit;
5. Data e aplikimit të testimit;
6. Aplikanti (emri dhe adresa);
7. Përfaqësuesin e autorizuar për monitorimin e marrëveshjes;
8. Emri i species së cilës i përket varieteti /emri shkencor;
9. Emri i species së cilës i përket varieteti /emri i zakonshëm;
10. Emërtimi i varietetit;
11. Emri dhe adresa e seleksionerit;
12. Kontraktori për testim;
13. Vendi dhe vendndodhja e kryerjes së testimit;
14. Sezoni/stina e testimit;
15. Data dhe vendi i lëshimit të raportit të përkohshëm.
16. Të dhëna të përgjithshme:

- a) Materiali mbjellës dhe shumëzues bimor është i pasuksesshëm.
- b) Materiali mbjellës dhe shumëzues bimor nuk i plotëson kërkesat.
- c) Testimi nuk u realizua (dështoi).

Vëzhgimet:

17. REZULTATET E TESTIMIT

- a) Nuk ka komente
- b) Komentet:

18. Data e planifikuar e raportit përfundimtar mbi testimet.

19. Shënim: Ky raport i ndërmjetëm nuk do të ndikojë në raportin përfundimtar.

Nënshkrimi i testuesit

SHTOJCA 6

ENTI SHTETËROR I FARAVE DHE FIDANËVE.

Raporti përfundimtar mbi testimin për Dallueshmëri, Uniformitet dhe Stabilitet (DUS) të një varieteti përmban:

1. Numri referues i dorëzimit të raportit zyrtar;
2. Personi porositës i testimit;
3. Numri referues i personit porositës të testimit;
4. Caktimi/emërtimi i seleksionerit të varietetit;
5. Data aplikimit të testimit;
6. Aplikanti (emri dhe adresa);
7. Përfaqësuesin e autorizuar për monitorimin e marrëveshjes;
8. Emri i species së cilës i përket varieteti / emri shkencor.
9. Emri i species së cilës i përket varieteti / emri i zakonshëm.
10. Emërtimi i varietetit.
11. Seleksioneri (emri dhe adresa).
12. Kontraktori për testim.
13. Vendi dhe vendndodhja e kryerjes së testimit.
14. Sezoni/stina e testimit.
15. Data dhe vendi i lëshimit të raportit përfundimtar.
16. Rezultatet e testimit për Dallueshmërisë, Uniformitetit dhe Stabilitet dhe konkluzione.

a) Raporti i dallueshmërisë

Varieteti:

- Është qartësisht i dallueshëm nga çdo varietet tjetër.
- Nuk është qartësisht i dallueshëm nga të gjitha varietetet e njohura.

b) Raporti i uniformitetit

Varieteti:

- Është mjaft uniform;
- Nuk është i mjaftueshëm uniform në lidhje me specifikat e riprodhimit seksual apo vegetativ

c) Raporti mbi stabilitetin/qëndrueshmërinë.

Varieteti:

- Është stabël.
- Nuk është stabël për tiparet thelbësore të tij.

Në rast të rezultateve pozitive, përshkrimi i varietetit do t'i bashkëlidhet raportit.

17. Komentë:

Nënshkrimi